

Gairm gu Ùrnaigh: Latha na Sàbaid, 28mh dhen Ghearran 2021 Ùranigh aig 7f

Chì sinn uair agus a-rithist anns na Soisgeulan gun robh e doirbh do na deisciobail teagasg Ìosa a thuigsinn. Mar eisimpleir, nuair a bhruidhinn Ìosa gu soilleir mu na fulangasan a bha roimhe, “thug Peadar gu aon taobh e is thòisich e ga chronachadh” (Marcus 8: 31 - 32). Bha e soilleir do Pheadar nach robh leithid bhàis agus aiseirigh an dàn do dh’Ìosa, agus tha e ceart cho soilleir dhuinn nach do thuig Peadar na bha aig Ìosa ri dhèanamh.

Tha e air a bhith doirbh dhuinn sa bhliadhna seo chaidh na dùbhlain a tha ro ar nàisean agus ron t-saoghal gu lèir a thuigsinn. Chan eil e soilleir dhuinn dè an rathad as fheàrr dhuinn. Tha an iomgain seo air a bhith oirnn uile.

Chì sinn anns an t-Soisgeul gu bheil Ìosa a’ gairm thuige an sluagh agus ag iarraidh orra gun tog iad suas an crann-cheusaidh agus gun lean iad e (Marcus 8: 34). Tha fios againn nach eil sinn nar n-aonar a’ leanntainn slighe Ìosa. Tha sinn a’ siubhal air slighe a’ chrainn-cheusaidh ann an dòchas na h-aiseirighe.

Dèanamaid ùrnaigh:

A Dhè an dòchais,
Bi maille rinn air an t-slighe do na làithean a tha romhainn.
Bi maille rinn trod Mhac
a chaidh romhainn air slighe a’ chrainn-cheusaidh.
Deònaich dhuinn gràs agus creideamh gus an lean sinn gu dìleas e.
A Thighearna, na do thròcair,
èist ri ar n-ùrnaigh.

A Dhè an dòchais,
Bi maille rinn air an t-slighe do na làithean a tha romhainn.
Bi maille rinn, agus maille ri luchd ar gràidh
anns gach càs.
Treòraich sinn gu sàbhailte nad làthaireachd.
A Thighearna, na do thròcair,
èist ri ar n-ùrnaigh.

A Dhè an dòchais,
Bi maille rinn air an t-slighe do na làithean a tha romhainn.
Bi maille ri gach aon air a bheil eagal,
agus air a bheil iomagain mun àm ri teachd.
Treòraich sinn on dorchadas dod sholas.
A Thighearna, na do thròcair,
èist ri ar n-ùrnaigh.

A Dhè an dòchais,
Bi maille rinn air an t-slighe do na làithean a tha romhainn.
Bi maille riutha uile an-diugh a tha ri caoidh
agus a tha feumach air comhfhurtachd.
Na do thruas, bi faisg orra.
A Thighearna, na do thròcair,
èist ri ar n-ùrnaigh.

A Dhè an dòchais,
Bi maille rinn air an t-slighe do na làithean a tha romhainn.
Deònaich gliocas, lèirsinn agus tuigse dhan fheadhainn aig a bheil ùghdarras
anns gach dleastanas a tha aca.
A Thighearna, na do thròcair,
èist ri ar n-ùrnaigh.

A Dhè an dòchais,
Bi maille rinn air an t-slighe do na làithean a tha romhainn.
Bi maille rinn trod Mhac
a chaidh romhainn air slighe a' chrainn-cheusaidh,
agus a bheireas dhuinn dòchas na h-aisèrighe.
A Thighearna, na do thròcair,
èist ri ar n-ùrnaigh.

Soidhnichte:

An Ceart Urramach Màrtainn Fair, Moderàtor Àrd-Sheanadh Eaglais na h-Alba

Am Fìor Urramach Leo Cushley, Àrd-Easbaig Chill Rìmhinn agus Dùn Èideann

Am Fìor Urramach Marcus Strange, Primus as leth Colaiste nan Easbaigean, Eaglais Easbaigeach na h-Alba

An t-Urramach Iain Fulton, Moderàtor, Eaglais Shaor Aonaichte na h-Alba

An t-Urramach Dòmhnall G. Dòmhnallach, Moderàtor, An Eaglais Shaor

An t-Urramach Pòl Whittle, Eaglais Ath-Leasaichte Aonaichte (Alba)

An t-Urramach Màrtainn Hodson, Àrd-Stiùiriche, Aonadh Baisteach na h-Alba

An t-Urramach Marcus Slaney, Cathraiche Roinn-Dùthcha, Eaglais nam Methodach (Alba)

An t-Urramach May-Kane Logan, Cathraiche, Caidreachas Co-thionalach ann an Alba

Lt. Col. Carol Bailey, Rùnaire na h-Alba, Feachd na Slàinte

Adwao Bittle, Comann nan Caraidean (Cuagairean)

An t-Urramach Claire Fender, Àrd-Neach-Stiùiridh Roinn-Dùthcha, Eileanan Bhreatainn, Eaglais an Nàsaraich

Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais Chrìosdal air Saoradh le Dia

Easbaig Francis Alao, Eaglais Dhè (Alba)/ Eaglaisean nam mìon-shluagh còmhla ann an Alba (MECTIS)

An t-Urramach Fred Drummond, Stiùiriche, Caidreachas Soisgeulach (Alba)